



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 10. Walæ & Adalhardi Exilium.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

§. X.

Sæculum IX.
A. C. 814.*Adalhardi & Walæ exilium.*

Ludovicus Imperator, comperta parentis morte, ex Aquitania Aquisgranum delatus omnes thesauros in conspectum afferri iussit, sororibus suis partem ipsis debitam dedit, bonam partem aliam Romam misit, reliqua in pauperes & Episcopos pro salute parentis sui distribuit, & sibi nihil nisi mensam argenteam, qua Mundi mappa representabatur, retinuit, cuius tamen pretium reddidit. Hoc Regni sui anno primo omnes Litteras a Patribus suis Ecclesiis concessas renovari curavit.

*Theg. n. 8.**Sup. Lib. XLV. §. 50.**Theg. n. 10. Vit. Val. to. 5. Att. Ben. p. 453.*

Wala Adalhardi Abbatis Corbejenfis frater inter Proceres, qui extremo tempore apud Carolum Magnum auctoritate pollebant, præcipuus habebatur. Eum in Regia educatum, cum illis litteris & artibus imbutus fuisset, quæ primas stirpes & illam ætatem decent, Rex Carolus, ut ipsius indolem experiretur, tradidit cuidam Optimati, qui missum in agros labore rurali defatigavit. At deinde ad Aulam revocatus, rei domesticæ & Palatio præfectus nemini nisi soli Principi secundus fuit. Ingenium natura dederat excellens, facundus quoque erat, utriusque linguæ, Latinæ & Teutonice gnarus. In exercitiis, quos

C 2

Caro-

Sæculum IX. Carolus adversus Saxones emisit, militavit, rursusque Rex ejusdem opera, cum

A. C. 814.

*Sup. Lib.
XLV. §.49.*

*vit. Adalh.
n.3.to.5. Act.
Ben. p.319.*

foedera cum Rege Daniæ anno 811. pangerentur, usus est. Anno sequente misit eum Imperator in Italiam ad Bernardum nepotem suum, ut ipsum in Regimine consiliis adjuvaret, sicut olim Adelhardum Bernardi Parenti adjunxerat. Tandem defuncto Carolo, non nulli æmuli urente invidia suspicabantur, virum potentem absente Ludovico res novas moliturum, & quamvis Wala integerrimæ fidei argumenta daret, nihilominus Ludovicum, Principem timidi & instabilis animi permoverunt, ut eum cum duobus fratribus Adelhardo & Bernardo a Regia relegaret. Adelhardus Corbeja, ubi Abbatis munereungebatur, pulsus, in Insulam Herensem, & Monasterium S. Filiberti, hodie *Noirmoutier*, missus. Ipse vero pro hac sorte gratias Deo agebat, quod sibi jam liceret aula exesse & officiis vitæ monasticæ vacare, quippe ibi septem annis omnes optimi Monachi partes implevit & toti Congregationi admirationi & exemplo fuit. Wala exilii calamitatem in animæ lucrum convertens Sæculum relinquere amicis nequicquam repugnantibus statuit. Nullum obstaculum venit ab uxore S. Guilielmi Gellonensis filia, sive ea mortua tunc fuerat, sive & ipsa

e Sæcu-

e Sæculo ad claustrum transit. Ergo Wala-
 la Corbejam se recepit, ubi ex Impera-
 toris mandato novus Abbas in locum A-
 delhardi, scilicet ex Discipulis ejus ali-
 quis, qui & ipse Adelhardus vocabatur,
 electus fuerat. Quamvis vero Wala in
 hoc Monasterio esset notissimus, nihilo-
 minus ad januam supplicis habitu com-
 parens omnia, quibus postulantium spi-
 ritus probari solent, humillime sustinuit.
 Nihil ei de rigore Novitiatus relaxatum.
 Hospitibus & ægrotis serviit, jejuniis cor-
 pus attenuavit, finito officio nocturno
 ante Altare in oratione diu perseverare
 & lacrymis pavementum madefacere so-
 litus.

§. XI.

Leo Armenus Iconaclasta.

In Oriente Leo Armenus, ne quis esset,
 quem timere cogeretur, in Insulis &
 Monasteriis diversis custodiæ dari jussit
 Michaelem Antecessorem suum, Proco-
 piam uxorem, & duos filios Theophyla-
 ctum & Nicetam, quos emasculari præ-
 cepit. Omnes tres vitam Monasticam
 professi nomina mutaverunt. Nam pa-
 ter Athanasii nomen sibi elegit, & ad-
 huc dum annis triginta duobus usque ad
 annum octingentesimum quadragesimum
 quintum superstes fuit. Theophylactus
 deinde Eustratius dictus est, & quinque

C 3 annis

Sæculum IX.
A.C. 814.